

abonnement pour un an
350 Piastres
Edition spéciale. 500 ptrs.

Adresse :
« Idjtihad » Constantinople

Téléph. St. 865
XXIII ème ANNÉE
15 Mars 1928 No. 248

اجتهاد

علمی، ادبی، اقتصادی، صناعی، صحنی مجموعہ

آبوغان : سنه لکی [24 نسخه]
تورکیا ایچون 2 بچق، خارج ایچون
3 بچق، اعلا کاغذلیسی 5 لیرادر.

اداره خانه سی :
جفال اوغلنده « اجتهاد نهوی »

تلفون : استانبول ۸۶۵

یکرمی اوچنچی سنه

نومرو ۲۴۸ - ۱۵ مارت ۹۲۸

نقد بحرانری قاربینه اعاده قیمت و قیمت اصولری

قائمہ ک قیمت یارین دوشه جکی اینه جکی ، مملکتده هیچ بر
شعبه استحصال بونی کسیدیره من . مستحصل یوز لیرا مصرف
ایدر ، محصولی میدانه کتیر ، تام او صرده پاره نک قیمتده
وقوعه کلن یوزده بش ، اون ، یکرمی ... الخ بر توج
اوزرینه یا کارینی غائب ایدر و یا خود کاردن صرف نظر بستون
ضرریده اولور . بو توجات یوزدن قازاندینی ده اولمازی ؟
البته اولور . فقط بو شکله بر کار و ضرر ، آرتق منتظم بر
فعالیت اقتصادی دکل ، تماماً بر قومار تشکیل ایدر . نه فرد ،
نه جمعیت استحصالی ، فعالیتی ، قیصه بر تعمیر ایله بالذات حیات
و موجودیتی بخت و طالع ربط ایده من . بو خصوصده ممکن
اولدینی قدر انتظام و اطراد آرار و ایستر . بونک ایچوندرکه
ملتر حربدن و حربک صیزلرندن بر آرز نفس آلیر آلاز پاره
مسئله سنک حلقه چاره لر آرامه باشلادیلر . ایشه باشلادقلری
زمان کورولدی که نقد بحران اعتباریله مملکتلر بر لرلندن یک
چوق فرقی وضعیتده ایدلر . بو وضعیتلری نقطه نظرندن ملتر
باشلیجه شو اوچ صنف آلتنده طوبلانه بیلیر :

۱ — تداوله چیقاردقلری کاغذ پاره نک مقدارنده اعتدالی
وحد معقولی محافظه ایده بیلیمش اولان ملتر ... شمالی آمریکا ،
انکلتاره و امثالی .

۲ — تداوله آتدقلری پاره نک مقدارنده هر درلوحساب
و کتابی شایریمش اولان ملتر ... آلمانیا ، آوستریا و امثالی .

۳ — کندیلرینی شویوقاریکی ضداییکی وضعیت اورته سنده
یولان ملتر ... بلجیکا ، فرانسه و امثالی .

* *

بو شرائط داخلنده پاره مسئله سنک هر مملکتده آلدینی
و آلاجنی صورت حلیه ده نظری بر مسئله اولقدن چیقیش ، ده
زیاده بر تطبیقات مسئله سی و بر امکان مادی مسئله سی شکنی
آمشدر . دینله بیلیر . بالاده ذکر یکن ایلك زهره دن برر
مثال آلام :

انکلتارنک تداوله چیقاردینی اوراق نقدیه ۱۹۲۰ ده حد

قیمتلرینی و قیمتلریله برابر استقرارلرینی آرز چوق ضایع
ایتمش اولان پاره لرله اسکی قیمتلرینی اعاده ایتک و یا خود بومکن
اولامسه بیلله ثابت و مستقر بر قیمت ویرمک مسئله سی ، ه زمان
ایچون اولدینی کبی خاصه حرب عمومی متعاقب ملتر ایچون
اک چتین مشاغلدن برینی تشکیل ایتشدر .

حربک دوام ایتدیکی سنه لر طرفنده مخاصم و حتی غیر مخاصم
حکومتلر آلتون اساسی ایستر ایستمن ترک ایتدیلر ، مجبوری
تداوله مستند کاغذ پاره چیقاردیلر . تداول مجبورینک اساسی ،
دولت طرفندن یا دوغروندن دوغروی و یا خود رسمی باقیه سی
واسطه سیله تداوله چیقارلمش اولان ورقه نقدیه نک مقابلی ابرازنده
حاملنه آلتون اوله رق تأدیه ایتمک و بالنتیجه خارج از مملکت
تأدیاته مفتضی آلتونک ده اخراجی تحت ممنوعیته آلتق و اخراجی
لازم کلیرسه بونی بر طاقم قیود و شروطه تابع طومق در .
اورته ده هیچ بر سبب اولسه شو عامل ، کاغذ پاره یی اوزرنده
محرر قیمت اعتباریه نک دونه ایندیرمک ایچون کفایت ایده ر .
حرب صره سنده ملترک درغروندن دوغروی موجودیتلری
تهلکده ایدی . بوندن باشقه هیچ برشی دوشوندکلری
و دوشونه مدکلری ایچون حتی اک معتدل حرکت ایتمش اولانلرینک
بیلله تداوله چیقاردقلری پاره لر ، تاریخ نقدیلرینک قید ایتدیکی
مقدارلر بالغ اولمشدر . بو قائمه لرک هپسی ده ، تثیل ایتدیکی
قیمتلی معدن ایله مساعد بر زماننده ، ده دوغروسی حربک
حتامیه برابر واجب المبادله ایدی . هر کس بونی بکلوردی .
حرب بیتدی ، صلاح کلدی . بر چوق خصوصاته اولدینی کبی
نقد بحران اعتباریه ده ملترک بر چونی حربک صیزیسی اصل
فرای حربده حس ایتدیکی ایچون آلتونک یوزینی کورمک
ممکن اولامادی .

پاره نک قیمتده دوشکونلک و هله دوشکونلکه تمادی بر
میل اساساً فلا کتدر . فقط پاره نک قیمتده آشاغی یه یوقاریه
دوغرو دائمی بر قرار سلق ، بوده بشقه بر درددرکه جمعیتک
اقتصادی بنیه سی عادتاً بر صیتمه کبی صارصار قوتدن دوشورور .

بلچيكا ، ۲۰ ميليار ليرهت كاغذيله ايتاليا ، ۵۸ ميليار فرانك
اوراق نقديه سيله فرانسه بو زمره مياننده در . بونلر و امثالي
دولت لار ايجون اعاده قيمت و تثبيت قيمت اصوللارندن هانكيسي
ترجيح ايتك لازم كله چكي مسئله سي فوق العاده حرارتي مناقشات
موضوع تشكيل ايتش و تثبيت قيمت اصولي يقين زمانلرده قبول
و تطبيق ايتش اولان ايلك ايكي سي ايجون مسئله اسكي حرارتي
غائب ايتش اولسه بيله بو خصوصده هنوز بر قرار و يرمه مش
اولان فرانسه ده بو مناقشات حلا دوام ايتكده بولميشدر .

* *

اعاده قيمت و تثبيت قيمت اصوللارندن هانكيسي بر ملت
ايجون مدار ترجيح اولمليدر ؟ آلمانيا و امثالي مملكتلر ايجون
اعاده قيمت اصولي بالطبع موضوع بحث اولاماز . يوقا ريده ده سويلدك :
بو كامكان مادي يوقدر . انكلتره و امثالي كي امكان مادي صاحب
اولانلر ايجون ايسه هيچ شبيهه سز اعاده قيمت اصولي ياراشير ، اورته ده
هيچ برسبب اولسه تعهداته صداقت و جيبه سي بو اصولي اود و انلره
امرايدر ، دنيلبور . فقط مسئله فرانسه و امثالي مملكتلر ك پاره لرينه
تعلق ايدنجه اعاده قيمت و تثبيت قيمت طرفدارلرينك مناقشاي
آتشين بررنكه بورونكده در .

اعاده قيمت طرفدارلري دييورلر كه : كاغد پاره تداوله
چيقمازدن اول جمعيت بر حال استقرارده ياشايوب كيديورد .
قائم اورته يه چيغنجه توليد ايتديكي بحران ايله بو استقرار
بوزدي ؛ طبقات اجتماعيه آره سنده ثروت بر قسمندن آلوب
ديكرينه دورايتك صورتيه بنيه جمعيتي صارصدي . عظيم حقسن لفلر
توليد ايتدي . بورجيلار ايله آلاچقيلر آره سنده تكون ايدن
وضعيت بو جمله دندر . كرك افراددن كرك دولتدن آلاچقي
اولان اصحاب مطالب پاره نك قيمتي دوشمسي بوزندن بويوك
ضررلر كوردلر . بوضرلر بورجيلر ك كاريني تشكيل ايتدي .
مأمور ، متقاعد ، عمله كي ثابت ايراد صاحب لري پاره نك
قيمتنده كي متوالي و تدريجي دوشكونل كي منتظماً تعقيب ايدمه مدكلري
ايجون متضرر اولديلر . بوندن دولت و مستحصللر تنفع ايتدي .
مصائب قوم عند قوم فوائد سوزينك افاده ايتديكي انصاف سز
برقاعده تحتنده قائم اوزون مدت جمعيتي مستبدانه اداره ايتدي .
بو حقسن لفلري اورته دن قالد ايراجي ، ده ا دوغرو سي تعمير
و تلاف ي ايدمه جك بر قاعده و ارسه اوده اعاده قيمت اصوليدر .
بو اصول ايله دولت تعهداتي ايفا ايدمه جك ؛ آلاچقيلر ك ،
ثابت ايراد اصحابنك ، حاصل و قتيه ضرر كورمش اولانلر ك
حقوقي تضمين و تعمير ايله جكدر . دولت بو اصولي اعمال ايله
تثبيت قيمت اصولي تطبيق ايتديكي تقديرده ايسه تعهداتندن
انحراف ايله شرفي اخلاص ، افلاسي اعلان ايتش ، ده ا
آچيغجه سني ايسترسه كز قلمز نلك ، دولانديريجيق باعش اولور .
بو ادعاره ، بو آغير اتهاملره مقابل تثبيت قيمت طرفدارلري
ايسه دييورلر كه : وقوعندن بحث ايتديك كنز حقسن لفلر ك هپسي
واقعدر . بوندن دولاي بزرده سز لر قدر متأثر سز . فقط

اعظميسي بولديني زمان مقداري (۴۸۰) مليون استرلين ،
يعني (۱۲) ميليار فرانك بر آرز متجاوز ايدني . استرلينك اك
دوشكون دورمسي ده ينه ۱۹۲۰ ده در . بودورده بيله آلتونه
نسبتله قيمتي ۲۴ دن فضله غائب ايتش دكلدي . اساساً
بويوك بر حردن چيغمش اولسسه رغماً قدرت اقتصاديه سني
و انتظام مالي سني هيچ بر زمان غائب ايتمه مش اولان انكلتره
ايجون پاره سني سهولته دوزمه نك ، بو خصوصده كي تعهداتي
ايفا ايلك خارج از استطاعت بر مسئله تشكيل ايدمه مزيدي .
حالبو كه آلمانيا نك تداوله چيقمازدني ماركلر ك مقداري
(۴۹۶,۰۰۰,۰۰۰,۰۰۰,۰۰۰,۰۰۰) درت بوزطقسان
آتي كنتليون ، يعني (۶۱۵) كنتليون فرانك بولميشدي . آلتونه
نظراً قيمتي ايسه او چ تيريليوته بر نسبتته دوشديكي زمانلر
اولميشدر . آلمانيا ي طاشيله طوپراغيله مزاده چيقارسه لر بوقدر
آلتوني بولوب تعهداتنك آلتندن قالمسسه ينه امكان اولامازي .
ايشته تماماً شو وضعيت فعليه لر ي در كه بو ايكي ملته ده
پاره لريني اصلاح و يكي دن تقويم خصوصنده بر خطر حركت چيتميشدر
دنيه بيلير : برنجيسي اعاده قيمت Revalorisation اصولي ،
ايكنجيسي ده تثبيت قيمت Stabilisation اصولي تطبيق
ايتميشدر .

اعاده قيمت ديك ، قائمه نك قيمت فعليه و حقيقه سني ،
اوزرنده محر اولان اعتباري آلتون قيمته ارجاع و اعاده ايتك
ديمكدر . بو خصوصده كندي پاره مزي مثال اوله رق آيرسق
ديه بيلير كه اعاده قيمت ، اليوم آلتونه نظراً ۱۱,۵ ، ۱۲
غروش دكرنده اولان بر لبرال ق كاغذ مرك قيمت فعليه و حقيقه سني
يوز آلتون غروشه چيقارمق ، يعني پياسسه ده كاغد پاره ايله
آلتون آره سنده فعلاً هيچ برفرق بر اقامق ديك اولور . بو
اصوله Déflation ديدكلري ده واردر .

تثبيت قيمت ديك ، مملكتنك واحد نقديسي ايله بو واحد
نقديي تشكيل ايدن آلتون مقداري آره سنده كي نسبتتي تنزيل
ايتك ديمكدر . بالفرض بزه بر لبرال دنيه ديكي زمان سيكه
۹۱۶ عيارنده ۷,۲۱۶ گرام آلتوني محتوي واحد نقدي
آكلاشيلير . دولت پاره نك استقراريني تأمين مقصديله : فمابعد
برلرا ۷,۲۱۶ گرام دكل ، ۵ ، ۴ ، ۳ ... الخ گرام آلتوني
محتوي واحد نقدي يه دنيه حكدر ، ديدمي تثبيت قيمت باعش
اولور . بو اصوله Dévaluation و يا Dévalorisation ده
ديرلر . تثبيت قيمت اصولنده طبيعي در كه كاغذ پاره نك قيمتي اسماً
ينه يوز غروش اولورسه ده حقيقت حالده يوز غروشدن نقصان
اولور . چونكه تمثيل ايتديكي واحد نقديده كي آلتون قيمتي
اسكيسي كي ۷,۲۱۶ گرام دكل ، اوندن آشاغيدر .

انكلتره و آلمانيا يه عائد اوله رق ذكر ايتديك كنز ايكي مثال
آره سنده اخذ موقع ايدن دولتلر كده وضعيتلري واردر . بونلر
تداوله چيقار دكلري قائمه لرك مقداري اعتباريله نه انكلتره و امثالنه ،
نده آلمانيا و امثالنه بكنزه لرلر . ۸ ميليار فرانكه قريب قائمه سيله

فرداً فردا بوکون قازانانلر دون غائب ايدنلر اولسه بدي حفسزلق تعمير ايديلور، دير ايدك . حالبوكه دونك قازانانلرني و غائب ايدنلرني بوکون قارشى قارشى به كتيروبده حفسزاني نعيمه امكان مادي وارميدر؟ بناء عليه وقتيله اولان اولمشدر . بوکون ايسه عمومي وضعيت اقتصاديه ايله افرادك خصوصى وضعيتلري آراسنده برتوافق و توازن تأسيس ايدهرهك اورتهده بر استقرار حاصل اولمشدر . دولت ايچونده بو استقرارى تأييد و تحكيم ايتك اوزره تثبيت قيمت اصولنى تطبيق ايتكدن باشقه يابهجق برشى قالماشدره

تثبيت قيمت طرفدارلرينك فكرلري ده بودر .

* *

اعادة قيمت و تثبيت قيمت اصوللري تطبيقات ساحه سنده ناصل كچر ، دهها دوغروسى مقصدى تأمين ايدهرهك تدابير اساسيه وآليه نه كې شيلردر؟ بو اصوللردن برينه عائد تدابير و قواعدى ايضاح ايدرسهك ديكرينه عائد سويلنهك سوزدخى آزالير . بز اول امرده ، تثبيتى ايضاح ايدهرهك :
تثبيت قيمت دولته يالكزامل و آرزوسيله ممكن اولابيليرى ، دولت بارهك قيمتى تثبيت ايتكى آرزو و امر ايديلورم ديمكه قائمه كده قيمتى بر نقطه ثابت اوزرنده چيوله مك امكانى الله ايديليرى؟ بويه شى بالطبع اولاماز . بارهك قيمتى تثبيت ايتك ايچون اول امرده مالى و اقتصادى برطاقم شرائط اساسيه واردركه بوشرائط آز جوق تأمين ايدلمكه تثبيت تشبيلري ده نقش بر آب قيلند قالمه محكوم اولوز . بوشرائط نه كې شيلردر؟ دولت دهها قانوناً تثبيتيه توسل ايتزدن مقدم شو اوچ نقطه ك تأميننه خاصه نصب نظر ايتسى لازم كاير : ۱- دولت بودجه سنك حقيق بر شكلده توزينى ، ۲- ديون متموجهك تماماً اولسه بيله مقصدى تأمين ايدهرهك بر درجه ده تقيص و يا تحكيكى ، ۳- موازنه حسابات دنيلن اك كنيدش مناسبيله مملكه ادخالات و اخراجاتك تأمين توازنى .

دولت بودجه سنده و على الخصوص بودجه ك تطبيق و اجراسى صره سنده واردات مصارف قورومازده آچيق ظهور ايدر وهله آچيقلر توالى ايلرسه ، كذاك قيصة وعدهلى مطالبات اصحابى كي دولته ديون متموجهسى اوزرنن آلاچقلى اولان دائنلر حكومتى صيقشيديرده پاره لرني ايسترلسه- كرك و يركو ، كرك استقرار طريقيه احتياجى تأمين ايدهرهك وضعيته دوشمش اولان- دولت ايستر ايسته هريكيدن كاغد پاره چيقارمغه مجبور فالير و بالنتيجه كاغذك قيمتى دوشمكه باشلايه رق تثبيت مسئله سى صويه دوشر . بونك ايچوندركه تبيينه توسل ايدن دولت هر شيدن اول قائمه اخراجنه دوامدن فراغت (تعبير فينيسيله انفلاسيوندن مجابيت) ، بودجه سنى توزين و ديون متموجه سنى تقيص اولسه بيله اوزون وعدهلى سنداته ربطايله كنيدش كنيدش حركت ايدهرهك مجبور بوشده در . دولت بودجه سنده توازن نه قدر لازم ايسه موازنه اقتصاديه دهده

نه بايلم كه اولان اولمش . بز شيمدى ايلريده اولاجغه ، اولسى امكانى اولان شيدنه باقم . موضوع بحث اولان حفسزلقلري اعاده قيمت اصوليله تعمير و تلافى ايتنهك بوكون امكانى وارميدر؟ بو خصوصده نه قدر ترد ايتسهك يردير . بوندن اون بو قدر سنه اول تداوله چيقاريلش اولان اوراق نقديه متماذياً ال ديكشدير مشدر . كليته قريب اكثرى اعتباريله بوكون ايلك حامللرينك دكل ، كيم بيلير قاچ يوزنجى ، قاچ بيكنجى حامللرينك ال رنده در . اولكى حامللر كې صوكراكى حامللرده بو اوراق نقديه آلتون قيمتيله دكل ، هر حالده درجه درجه دوشكون برقيتى جائز اولدني زمانلرده تصاحب ايتمشدر . بوكون بو اوراق نقديهك بدلنى عيناً و تماماً آلتون اولهرق تسويه ايتك ايتشديكمن تقدريده ايلك حامللري نرهده و ناصل بولاچغزكه آلاچقلى كنديلرينه اعاده ايدهرهك اوغرادقلى ضررلري كنديلرينه تضمين ايدلم ؟ دولتن آلاچقلى اولان ، يعنى دولتهك اسهام و تحويلاتنه صاحب بولونان ايلك دائنلرده ، اوراق نقديه حامللري وضعيتنده درلر . بوسندات قسم مهمى اعتباريله متماذياً ال ديكشدير مشدر و باشقه الله كچر كن هر حالده آلتون قيمتيله دكل ، درجه درجه دوشكون بويقيمته ايله كچمشدر . بوسندرك فائضلرني و رأس الماللريني بوكون عيناً و تماماً تأديه به باشلامق ايسمديكمن تقدريده ايلك حامللري نرهده بولاچغز ، ناصل تفريق ايدهرهك ، تبادل بد مسئله سندن منولد وضعيت قارشيسنده آرهده كي حامللرك حقوقنى ناصل تعمير ايدهرهك ؟ اوراق نقديه تداوله چيققدن صوكره افرادده آره لرنده بورجلانديلر ، آلديلر ، ويرديلر . اوراق نقديه مسئله سندن اولنرده ضرر كورديلر . بو حفسزلقلري ناصل بر معياره اوراجغزده ماده تلافى امكانى بولاچغز ؟ دهها صوكره اوراق نقديهك تدريجاً قيمتدن دوشمى وقتيله ناصل بجزانلره قاچو آچشمه قائمهك يكيدين اصكى قيمتى بولاسيده اوبله جه برطاقم صارصيفتيلرك منبى اولاجق واسكى حفسزلقلري تلاق ايدهرهك دير كن يكي باشند برطاقم حفسزلقلره يول آچه جغز اولجه قائمه تداوله چيقاركن آلاچقيلرك ضررى بورجلولرك ناصل مدار انتفاعى اولش ايسه بودفعده اعاده قيمت اصولنك تطبيقنده عكس حال ظهور ايدرك بورجلولرك ضررى آلاچقيلره بركار منبى اولاجقدر . بوكون اوچ آى وعده ايله يوز تورك ليراسى برينه بورجلانمشكز . الكزه كچن حقيقت حالده آنجق ۱۲ آلتوندر . بو استقرارى متعاقب دولت اعاده قيمت قرارينى اتخاذ ايتمش . وعده ختامنده آلاچقيله ۱۲ آلتون دكل ، ۱۰۰ آلتون تسويه ايتك مجبوريتنده قابيلورسكز . بو معاملهك حق نره سنده ، انصاف نره سنده ؟ كذاك قائمه تداوله چيقاركن دولت مأمورلرك ، مستحصللر عملهك ضررنن ناصل مستفيد اولمشه بو دفعه اعاده قيمت اصولنك تطبيقنده - فياً لردكه تنزلى منتظماً تعقيب ايتنهك امكانى اولمايني جهته - عكس وضعيت تحذ ايدرك مأمورلر دولتهك ، عمله مستحصللرك صرندن انتفاع ايدهرهك . اكر

ادخالات و اخراجات یکدیگر را به متوازن دوشمک اوقدر لا بد در. اخراجات ادخالاتك دونه قایلرده مملكت خارجه آز چوق مهم مقدارده آلتون چيقارمق مجبور بنده قایلرسه طبعی دركه قامیو یوكسه لیر « مملكت پاره سنك قیمتی دوشر . بونك ایچوندركه پاره یی تقویم موضوع بحث اولونجه موازنه اقتضا - دیه نكده مطاوبی ذمتی طومسی، دها دوعروسی ذمتی مطاوبی آشماسی لازمدر .

پازه سنی دوزه لیمك ایستین دولت تثبیت بر شکل قانونی ویرمزدن مقدم باشلیجه شرائط معروضه یی تسهیل و احضار ایله مشغول اولور . بو شرائطك احضاری ایله کچن دوریه قبل التثیت Préstabilisation دوره ذیلیر . بو دوریه عمومیتله قانونی تثبیتدن Stabilisation légale مقدم فعلی تثبیت Sta. de fait تأمیننه چالیشیلیر . ینه عمومیتله دولتك رسمی باقیه سی بو دوره ظرفنده النده مانوره آچمسی Masse de manoeuvre دینلن آز چوق مهم مقدارده آلتون ویا قامیو موجودی ایله پیاسه یه حاکم اولغه چالیشهرق پاره نك قیمتی ممکن و مطلوب بر تثبیت رائجی Cours de stabilisation اوزرنده طومقه صرف مساعی ایدر . رسمی باقیه نك بومداخله سی تثبیت قیمته آیریمجه بر مسئله مهمه اولان تثبیت رائجی تعیین ایچون نوعما بر تجربه زمینی تشکیل ایلر . تثبیت رائجی نه اولمیلیر ؟ یه یی پاره قیمت اعتباریه سنك یوزده قاچی اوزرنده تثبیت ایدیلیر ؟ بو، زمان و مکانه تابع بر مسئله در . بورائجی تعیین ایدن دها زیاده فعالیتدر ؟ مملکتك مالی، اقتصادی، سیاسی، روحی وضعیترلی، متداول اوراق نقدیه نك مقداری، داخلی فیاتلر، قامیو رائجی کبی بر طاقم عواملدركه دولتك امل و آزوسندن زیاده تثبیت رائجنك تعییننه حاکم اولور .

تثبیتك زمان اجراسنی تعیین ایتمكده بر مسئله در . دولت بوتثیتی معین بر زمانده یایق ایستسه ده اگر احوال و شرائط عمومیه مساعد دكسه تثبیت ممکن اولاماز . یالفرض بر پاره باشنی آلمش، دیک آشاغی یوورالانوب کیتدیکی بر صره ده دفعه پاره نك قیمتی تثبیت قولای بر شی دکلدر . فعلیات ساحه سنده پاره نوعما کمندی کندینه بر استقرار استعدادی کوسترملی که تثبیتك امکان مادیسی الهه ایدیلر بیلین . یوقسه بحرانی بر زمانده پاره نك قیمتی تثبیت ایدلم دیرکن رسمی باقیه النده کی مانوره آچمسی ده اوچور ایلیر ،

*
*

ذکر ایتدی که شرائط اساسیه نك حصول بولدیغی، پاره قیمتنده آز چوق فعلاً بر استقرار حاصل اولدیغی و تثبیت ایچون مساعد زمانك حلول ایتدیکنی فرض ایدلم . دولت قانونی تثبیتی نصل تأمین ایدر ؟ تثبیتی اعلان ایتمك دیک، دولت ایچون تثبیت ایدیلن مقدار اوزرندن قائمه نك قیمتی آلتون اولهرق ابرازنده حاملنه در حال تسویه یی تمهد ایلک دیمکدر . المزده بر لیرا وار . دول بونك قیمتی ۱۲ آلتون غروش اوزرندن

تثبیت ایتمش . دولتك کمندی قاصه سنه ویا خود رسمی باقیه سنك کیشه سنه بو لیرای کونوردکی دولت بزم ۱۲ غروشلق آلتون مطالبه من در حال اسعاف ایله مکلف اولور . شو حالده دولتك میدان تداوله - بالفرض - ۱۰۰ میلیون لیرالق اوراق نقدیه سی وارسه ۱۲ میلیون لیرا مقدارنده وقوعی محتمل آلتون مطالباتی اسعاف ایدیه بیلجک بر وضعیتی تأمین ایتمسی لازمدر . بوراده تثبیت معامله سنك نازك بر نقطه سنه تماس ایتمش اولویورز . دولت یو اون ایکی میلیون آلتونی یا کمندی ویا رسمی باقیه سنك قاصه سنه تماماً قورده بونك اوزرینه می تثبیتی اعلان ایدر ؟ بالنظر به بویه اولق لازم کلیرسه ده تطبیقاتده معامله خیلی فرقلی بر شکلده جریان ایتمکده در .

تطبیقات ساحه سنده بو آلتون قارشیلق همان هیچ بر یرده عامی تمامنه تأمین و احضار ایدلر . بالکنز مراجعت ایتمسی محتمل اوراق نقدیه حامللرینك آلتون مطالبه سنی اسعاف امکانی نظر اعتباره آلتیر . بر از مهم اولان بواقاده نك معناسی شودر : اورته ده متداول اوراق نقدیه نك تکمیل دولتك ویا خود رسمی باقیه سنك کیشه لیریه کتیر یلوبده مقابلی اولان آلتونك ایستلسمنه معاملات و فعلیات اعتباریه امکان یوقدر . بر چوق اسباب و عوامل بوکا مانعدر . بونی بیلن دولتدرده اول امرده بوسبیلر متداول اوراق نقدیه سنك - تثبیت ایدلمش قیمتی ارززدن - یوزده یوز آلتون قارشیلق احضاره لزوم کورمزلر . بناء علیه تأمینی لازم کان قارشیلق هر حالده یوزده یوزدن آشاغی بر مقدارده اولق اوزره حساب ایدیلیر که بونسبتده زمین وزمانه کوره دکیشر .

دیگر طرفدن قارشیلق مقدارینك بر آز دها، همده مهم بر درجه ده تقیصنی تأمین ایتمك اوزره دولطربشقه بر تدبیر دها توسل ایتمکده درلر . پیاسه ده متداول پاره نك قارشیلقنی آلتون ایله مبادله خصوصنده دولت بر تفریق یاپور : داخلی تأدیات، خارجی تأدیات . داخلی تأدیات ایچون افراک الهه آلتون ویرمکی حکومت لزومسز یویور . بر فرد النده کی قائمه یی کونوردورده بالفعل آلتونله مبادله ایتمك ایسترسه دولت ویا خود رسمی باقیه مقابلی آلتون اولهرق ویرمشی، داخلی تأدیات ایچون آلتون ویرمه یورز، دیر ولسان حال ایله علاوه ایدر :

— مادامکه الکزده کی قائمه آلتون قیمتی حائردر و مقابل اولان آلتون ده بزم قاصه مزده محفوظدر، آلتونی نه یابه جقسکز؟ صاقلايه جقسکز . سزك یریکزه بزم صاقلا یورز، ایکسی ده مساوی دکلکی ؟

فقط خارجی تأدیاتده مسئله دکیشر . اگر فرد مملکت خارجنده بریر آلتون بورجلاشمش ده اورایه آلتون کوندرمک ایستورسه باقیه بواصری در حال ایشایه آماده در، مراجعت ایدن کیسه نك الهه ویردیکی بر چك، یعنی آلاحقینک مقیم اولدینی مملکتده کی باقیه خطاباً یازدینی بر تأدیه امری ایله او پاره یی تسویه امکانی تأمین ایدر . بوضورتله داخل مملکت

تداولن چکيلير واما ايديليز. آلمانيا بوشکلی اختيار ايتشدرد. رایشمارق ناميله احداث ايتديکي اوراق نقدیه یی پیاسه یه جیقاوروب - برایشمارق برتر میلیون مارق اعتباريله - اسکی کاغذلوی طوبلامشدر .

بعض دولتلر اللهکی واحد نقدی بی دیکشید یروب بونکه هیچ بر مناسبتی اولیان باشقه یر واحد نقدی تأسیس ایتشلر وتداولدهکی قائمه نك قیمتی ایله بویکی واحد نقدیك قیمتی آره - سنده بر نسبت مبادله تثبیت ایده رك اسکی قائمه یی اورته دن قالدیرمشلردر. آوستریانك شیان دیه یکی برواحد نقدی احداث ایدرك اسکی قورونلری طوبلامسی کی . بو شکله هم اسکی واحد نقدی، همده اسکی اوراق نقدیه اورته دن قالیقور، یکی برواحد نقدی بی تمثیل ایدن یکی برقائمه اورته یه جیقور، دیمکدر.

اوجنچی بر شکل : تداولدهکی اوراق نقدیه یه هیچ طو - قونولاز ، یالکز واحد معدنی ، قائمه نك تثبیت ایدیلن قیمته توفیق اولونق اساسی قبول ایدیلیر. برایکی آی اول ایتالیا نك یاپدیغی تثبیت کی ، تثبیتدن صوکرده ایتالیا ده واحد نقدی ینه لیرت در . لیرت ذیلن اوراق نقدیه ینه تداولده در . اصدار ایتدیکی قرارنامه ده حکومت لیره نك ابرازنده بدلنك حاملنه بلاحد آلتون اوله رق تسویه ایدیله جکی بیلیرمشدر . آنجق ۱۰۰ لیرت بیکده طقوز یوز عیارنده ۸۰۸۷۹ غرام آلتون اوله رق تثبیت ایدلشدر . اسکیدن ایسه ۱۰۰ لیرت ۳۲۰۲۶ غرام آلتونی تمثیل ایدردی . ایتالیا تثبیتك تفرعانه عائد شرائطی هنوز تعیین ایتش دکلدر . بلکهده هیچ تعیین اتمیه رك تثبیت مسئله سنی بوکونکی حالنده براقیر. فقط تثبیتی شکل اعتباريله نتیجه منطقیه سنه قدر کوتورمك لازم کلیرسه اسکی معدنی سکه لری اریتمک ویرینه بودقه (ا کر ینه بیکده طقوز یوز عیاری قبول ایدیله جک ایسه) لیرت ۰.۰۸۷۹ آلتونی محتوی برواحد نقدی اعتبار ایدیله رك یکی معدنی سکه لر واه میانه مثلا ۸۰۸۷۹ غرام آلتونی محتوی ۱۰۰ لیره نك آلتون پاره لر ضرب ایتك اقتضا ایدر. تا که پیاسه ده متداول قائمه لر ایله واحد معدنیلر آره سنده توافق حاصل اولسون . تثبیتك شکلی بوهده متوجهدر .

* *

اعاده قیمته کلنجه : یوقاریده ده سویله یکمز وچهله اعاده قیمت دیمک ، قائمه اوزرنده محرر اولان آلتون قیمتی فعلاً وماده ویرمک دیمکدر. اعاده قیمتی استهداف ایدن یرمملکت ایچون، بودجه نك توزینی، دیون متوجه نك تقیص ویا تحکیمی، موازنه اقتصادی نك تأمین کی تثبیتده موضوع بحث اولان مالی واقتصادی شرائط اساسیه طبیی بطریق الاولویه وهمده زیاده برامیتله وارددر. اعاده قیمته ده دولت اول امرده متداول اوراق نقدیه سنك آلتون قارشینه تدارک وتأمین مجبوریتنده در. فقط بواصولده ده قارشیلغک یوزده یوز اولسی شرط دکلدر. نه کیم انکاتره اعاده قیمت اصولی تطبیق ایدرکن متداول

ایله خارج مملکت آره سنده آلتون ادخالات و اخراجاتی معامله سنی دولت ، ده دوعروسی رسمی باشقه افرداك لندن آله رق کندی انحصاری آلتونه وضع ایتش اولور . رسمی باشقه نك اجنی مملکتلرده کی باشقه لرله بر حساب جاریسی وارددر. زمان زمان بقیه لری تثبیت ایدیلن بوحساب جاری نك وضعیتنه کوره مملکت خارجه بورجلی دوشرسه رسمی باشقه آلتون کوندردر، مملکت خارجدن آلاچقلی قالیرسه باشقه اورادن آلتون کتیرتیر . کورولویورکه تثبیت اصولنده اورته ده برآلای آلتون سوزی جریان ایتدیکی حالده اوراق نقدیه حامللرینك بر درهم آلتون یوزی کوردیکی یوقدر (ایوم انکاتره ده کی اعاده قیمت اصولنده وضعیت ینه بومرکزده در) اوراق نقدیه نك بوشکلده ، یعنی آنجق خارجی تأدیاته مقتضی آلتونه قابل مبادله اولسی اصولنه قامیبو آلتونی اصولی Gold Exchange Standard دیرلر. قبل الحرب اکثر مملکتلرده، از جمله بزده ده اولدینی کی هم داخلی هم خارجی تأدیات ایچون ورقه نقدیه آلتونه ممکن المبادله اولورسه بوکده سربست آلتون اصولی Gold Standard دینیر .

ایشته اوراق نقدیه نك آلتونه مبادله سی کیفیتنی یالکز خارجی تأدیاته حصر ایدوب تداول داخلیه مقتضی آلتونی حذف ایتك صورتيله دولتلر اورته ده متداول قائمه نك قارشولنی اولاجق آلتوندن بر مقدار ده صرف تأمین ایدرلر.

تثبیت یابان دولت ، تداولدهکی اوراق نقدیه نك تثبیت ایتدیکی آلتون قیمتی نه ایسه بونك، یوزده بکرمیسنی، اوتوزینی، قرقی، الخ ... چویوق آلتون، مسکوک آلتون، قیمته صاحب اجنی قامیبوسی و حق - ایجابنده آلتون قیمته - کوموش اوله رق احضار ایدر. بوقارشیلغک مقداری ده هر مملکت ایچون بر اولماز. مملکت اولورکه یوزده بکرمی مادی قارشیلغی پاره سنك قیمتی طوتار. مملکت اولورکه یوزده لالی ایله ده طوتاماز. تثبیت معامله سی ایچون بوقارشیلغی هر حالده لازمدر وثیته توسل ایدن دولتلرک بویه ذی قیمت بر موجودلری اساساً آزچوق وارددر. اکر ناتمام ایسه برچاره سی بولنه رق نقصانی اکمال اولونور. قالیز بقیه یوزده سکسان ، یتش ، آتمس ... الخ قارشیلغی آچینی ! دولت بوکا مقابلده باشقه مملکتلرده کندی ، ده دوعروسی رسمی باشقه سی لهنه فره دیلر کشاد ایتدیرر. وقوع بولاجق آلتون وقامیبو مطالباتی مواجهه سنده رسمی باشقه ، پاره یی تثبیت رائجی اوزرنده طوته بیلیمک ایچون احتیاج حاصل اولدقجه بوقره دیدن استفاده ایدر.

* *

تثبیت اساسلرنده دکلسه ده شکللرنده دولتلرک برلرندن آیریلدقلری کورولمکده در. از جمله :

دولت یکی برقائمه احداث ایدر . بو قائمه قیمت اعتباريله اسکی معدنی واحد نقدیك معادلیدر . قانونک تعیین ایتدیکی بر نسبت دائره سنده بو قائمه پیاسه یه سورولوب اسکی قائمه

اوراق نقدیه سنک تام قارشیلغنی تأمین اتمه بی خاطرینه کتبرمه مشدر. صورتیه قارشیلیق مسئله سنی اداره ایتشدرد. اوده سربست آلتون اصولی دکل، قاممیو آلتونی اصولی قبول ایتک و رسمی باقه سنه آمریقا پیاسه سنده قره دی آچدیرق

ن . ن . ن .

عربی (ابوالعلاء)

شاعرك كنجلككنده نظم اولنديغندن جزءك كله تابعتي قيلندن (سقط الزند) ه كنجلك اشعاريني حاويدر دينيلمشدر .

بوديوانك صوكنه (الدرعيات = زرهله دائر) نامی آلتنده برطاقم اشعار علاوه ايدلمشدر. (ابوالعلاء) درت ياشندن اعتباراً اعمی ايكن زهرلك نظماً تعريف و توصيفنده كوستردیكي قدرت، خارقه نوعندن عد اولنيور. بعضاری بونی آیری بر اثر عد ایتك ایسترله. بزجه (سقط الزند) ايله بر عد ایتك دهها موافقدر. چونكه مستقل بر اثر تشكیل ایده جك قدر بیوك دكلدر. (درعيات) دخی شاعر اعمانك كنجلك محصولی دكلدی. دهاصوكره یازلمشدر. (سقط الزند) ك حاوی اولدینی اشعارك ادبی قیمته دائر ایلریده آیریجه بر بحث تخصیص ایده جكز .

(ابوالعلاء) لك ایكنجی منظوم اثری (لزوم مالایزم، یاخود لزومیات = لازم اولیانی التزام، مقید قافیهلر ویا ایکی قافیهلی) نامنده کی دیوانی در كه ترجمه ایتدیكمز خلاصه لری بورادن آلوب نشر ایدیورز .

(ابوالعلاء) بو دیوانده اللهك وحدانیتنی قبول وزهد وتقوادر بحث ایدر ایكن بلااستنا اعتقادات دینییه قارشى صوقوشدوردینی اعتراض وانكارلری كوروبده اونك دیناره، پیغمبرله، حتی اللهه اینانیدیغنه ایناتق بك مشكدر. (ابوالعلاء) لك دینی، اجتماعی، فکری و ادبی فلسفه سنی اك زیاده بو (لزوم مالایزم) نده كوررسكز. (ابوالعلاء) یتیشجهیه قدر عربدن هیچ برشاعر، هیچ بر فیلسوف بودرجهیه قدر حریت فکریه سنی اظهار و اعلان ایتماشدی.

(ابوالعلاء) لك آناری منظوم ومنشوردرد. (ابوالعلاء) ایکیسنده ده بیوك بردها كوسترمشدر. یوز بیك بیتدن زیاده شعر نظم ایتدیكي، بك چوق منشور اثرلر وجوده كتیردیكي بر چوق معتبر شهادتله ايله مروی ایسه ده ضیاعدن محفوظ قالان آناری اوچ، درت كتابدن عبارتدر. اونلردن بری قوجه حكیمك كنجلكده سوبلدیكي (سقط الزند = شراره) نامنده کی دیوانیدر كه اولجه ده بیان اولدینی اوزره - كندیسی اوکا مختصر بر شرح یازمش و (ضوء السقط = شراره لك ایشینی) نامیه تسمیه ایتشدرد. (ابوالعلاء) بو شرحی (ابو زكريا يحيى بن على التبریزی) یه املا ایلشدی. اوچ بیكدن فضله یتتی حاوی اولان بو دیوانه دهها صوكره مختلف علما طرفندن متعدد شرحلر یازلمشدر. المده بولنان نسخه (شرح التنوير) اسمنده کی شرحدر كه اوزرنده شارحك اسمی یوقدر. (كشف الظنون) بو شرحدن بحث ایدیور ایسه ده «بعضاری طرفندن یازلمشدر» دیهرك شارحك نامنی مجهول بر اقیور. بو شرح خراسانده یازلمشدر. مقدمه سندن بو آكلاشیلیور. عرب لسانك زهرله قدر نه قوتله انتشار ایتدیكي قیده شایان برمسآله در. (ابوالعلاء) بك پارلاق قصیده لینی حاوی اولان بو دیوانك كندی حضورنده اوقونماسندن خوشلانمازدی: — بو، كنجلككمده یازمش شیردر. بر چوق یرلرنده كندی مدحی حاویدر. مدحك اوقونماستی آرزو ایتم، دیوردی .

بونكه برابر بو دیوانده مندرج اولان قصیده لك جمله سی كنجلك محصولی دكلدر. ایچنده اولیه قصیده لر واردر كه دهها صوكره یازلمشدر. فقط اكثرتله اعمی